

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।

लक्ष्मण गजाल 'चिलिमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने



स्मार्ट सिटीया योजना व नेवा: सरोकार
श्रीकृष्ण श्रेष्ठ - २



'राजनीतिक परिवर्तनयत सामाजिक,
आर्थिकस्तरय प्रतिबिम्बित यायगु हे थौया
मू हाथ्या: ख:?'

नवराज सिलवाल

प्रतिनिधिसभाया सांसद, यल क्षेत्र नं. १ - ३



नमुना बुद्ध बिहारय कथिन चीवर दान ज्याइव:

४-५ पेज

प्रदेश प्रमुख पदमुक्तपाखें हल तरंग

कांग्रेसया आपति, चुनवय तक लिचव: लाइगु अवस्था

लहना संवाददाता

वर्तमान केपी शर्मा नेतृत्वया सरकारया सिफारिस कथं राष्ट्रपति विद्यादेवी भण्डारी आइतवा: नेपा:या न्हयगू हे प्रदेशया प्रदेश प्रमुखतयत पदमुक्त यानादीगुलिं नेपा:या राजनीतिइ न्हयु कथंया तरंग ह:गु दु । थौ ओलीया नेतृत्वय दुई तिहाई बहुमत दुगु सरकार संघय दुगु अले न्हयगू मध्ये खुगू सत्तापक्ष नेपाल कम्युनिष्ट पार्टी (नेकपा)या हे नेतृत्वय सरकार दुगु अवस्थाय सेरेमोनिलय कथंयापि प्रदेश प्रमुखतयत चीकेगु ज्या या:गुलिं छुं न छुं आ: जुइत्यंगु खयमा: धका: मनूतयसं अ:पुक हे अनुमान याइगु स्वाभाविक हे ख: । तत्कालिन अवस्थाय नेपाल कम्युनिष्ट पार्टी (नेकपा) नेतृत्वया सरकार सुनिसें हे काग्रेस नेतृत्वया चुनावी सरकार या:गु राजनीतिक नियुक्ति फाता पुइकेगु धया वयाच्वंगु ख:सां २०७६ साल भदौ २० गते चुनावी आचार संहिता लागू जुइ धुंका: या:गु राजनीतिक नियुक्त छक्कल हे फाता पुइकेगु धका: तर्क निर्णय या:गु ख: । सत्तापक्षया निर्णय कथं छुं राजदूततयत लिता कायगु ज्या या:गु जूसां न प्रदेश प्रमुखतयत धा:सा चीकागु ज्या मया:गु अवस्थाय आकाभाकां उप निर्वाचन न्हय: प्रदेश प्रमुखत चीकेगु ज्या या:गुलिं सकलिसिनगु चासोया विषय जगू अवस्था ख: । प्रमुख प्रतिपक्ष दल नेपाली कांग्रेस



राष्ट्रपति कार्यालयपाखें जारी या:गु विज्ञप्तिइ संविधानया धारा १६५ कथं प्रदेश प्रमुखतयत पदमुक्त यानागु उल्लेख यानात:गु दु ।

ओली सरकारया निर्णय धइगु पूर्वाग्रही जगू धासें चुनाव न्हय:या थुगु पलहयात आ: चुनावी मुद्दा दयका वनेगु जुइ धका: तर्क नेतातयसं धयादीगु दु । प्रदेश प्रमुखयात चीकेगु संवैधानिक अधिकार सरकारयात दुसां न न्हापांखुसि प्रदेश प्रमुख दयकगु अवस्थाय आकाभाकां चीकेगु ज्या उप निर्वाचन न्हय: या:गुलिं बांला:गु ज्या मजुल धका: धयाह:गु दु । प्रदेश प्रमुख धाइपि कार्यकारी पद मखुगुलिं थ्व इलय ओली सरकारं मथ्यगु जुसा बांलाइगु ख: धका: तर्क मनूतयसं धायगु यानाह:गु दु । थौया इलय संघीयता व प्रदेशया सवालय तकं थौथी मनूतयसं न्हयस:त तथा हयाच्वंगु अवस्थाय फुकक प्रदेश प्रमुखत छक्कल चीकेगु ज्या या:गुलिं थुकिं अभं न इमित धायगु थाय दयका बिउगु दु । संघीयता विरोधी खें

लहाइपिन्त तिब: बिइगु कथंया ज्या जगू जर्कं मखुला धका: न्हयस: तथाह:गु दु ।

आ:या अवस्थाय ओली सरकारया थुगु पला: धइगु गलत राजनीतिक संस्कार ज्वनेगु कथंया पहल जुल धका: तर्क धायगु यानाह:गु दु । थुकिं याना आ: सु सरकार वइ व सरकारं दक्ले न्हापां हे प्रदेश प्रमुखयात चीकेगु अले थ:गु पक्षयापि मनूतयत नियुक्ति यायगु कथंया ज्या जुइगु अवस्था दु थ्व छगू कथं नजिर जुया वनी ।

इमित छाय चीकल धायबलय अ:पुक हे लिस: वइ कि राजनीतिक आस्थाया कारणं । फरक विरा तइपिं जगू कारणं । थुकिं छु सिइ दु धायबले सरकारं स्वयबलय हथासं निर्णय या:गु थें खने दुसां थुकिइ दुने छुं न छुं अर्थ दु अले व खें सायद लिपा सार्वजनिक जुया वइ धका: धायफु । गुलिं गुलिसिनं ला थ्व सरकारया निर्णय धइगु गनं कन्हय्या दिनय अभं अप्व: कठोर जुया वनेगु कथंया संकेत मखुला धका: तर्क न्हयस: तथाह:गु दु ।

न्हयागु हे जूसां न अन्तत: प्रदेश प्रमुखतयत चीकेगु ज्या जगूलिं वइगु मसिर १४ गते जूवनाच्वंगु उप निर्वाचनय थुगु विषय राजनीतिक मुद्दाया विषय जुइगु अले उकिं अवश्य नं लिचव: लाइगु अवस्था दु धका: धायफइगु अवस्था दु । चुनावी आचार संहितायात कयात कं थुगु मुद्दा नाप स्वाना यंकीगु अवस्था वइ । उकिं चुनावया छगू प्रमुख मुद्दा जुइगु अले प्रतिपक्ष दलया नितिं ला भाषण यायगु विषय हे जुइगु अवस्था दु धा:सां छुं पाइमखु ।

संविधानय छु दु ?

राष्ट्रपति कार्यालयपाखें जारी या:गु विज्ञप्तिइ संविधानया धारा १६५ कथं प्रदेश प्रमुखतयत पदमुक्त यानागु उल्लेख यानात:गु दु । संविधानया उग धारय छक्कल फुकक प्रदेश प्रमुखयात चीकेफइ धका: परिकल्पना यानात:गु मनु धका: तर्क धायगु यानाह:गु दु ।

संविधानया धारा १६५ कथं प्रदेश प्रमुखतपाखें राष्ट्रपतिसभ संविधानया धारा १६५ कथं प्रदेश प्रमुखया पदाविध क्वचाय न्हय: हे पदमुक्त यायफइगु व्यवस्था दु । व हे व्यवस्था कथं हे पदमुक्त या:गु ख: । तर तत्काल हे प्रदेश प्रमुखत नियुक्त याय मफत धा:सा संवैधानिक समस्या वयफुगुयात वर्तमान ओली नेतृत्वया सरकारं गुगु कथं काइगु ख: व धा:सा स्वयगु ल्यं हे दनि ।

पत्रकार दबू यल जिल्लाया अध्यक्षय सागर महर्जन



नेवा: पत्रकार राष्ट्रिय दबू यल जिल्लाया अध्यक्षय सागर महर्जन निर्वाचित जगु दु । दबूया सञ्चरवा: क्वचा:गु स्वक्व:गु अधिवे शनय महर्जनया अध्यक्षताय न्हयु ज्यासना पुच: ल्य:गु ख: । मेगु फुकक पदया नितिं सर्व सहमतिं ल्य:गु ख:सां नाय: पदया नितिं धा:सा चुनाव जगु ख: । नाय: पदया नितिं सविन श्रेष्ठ व सागर महर्जनया दथुइ धेधेबल्ला जगु ख: । उगु समितिइ प्रशान्त माली न्वकू विकास माली छ्याञ्जे, मञ्जु बज्राचार्य ल्यु छ्याञ्जे व

सुनील बज्राचार्य दंभरिकथं सर्वसम्मतं ल्य:गु ख:सा दुजलय शनिराज शाक्य, रेगिसा महर्जन, अनुप शाक्य, रजत शाही व नरेश महर्जन नं सर्वसम्मत ल्य:गु ख: ।

अथे हे, केन्द्रीय महाधिवेशनया नितिं रुबी श्रेष्ठ, राजेश बज्राचार्य, कल्पना महर्जन, रमा तुलाधर बज्राचार्य, लक्ष्मी श्रेष्ठ, पूर्णिमा शाक्य, बाबुकाजी महर्जन व सुशील शाहीयात पार्षदकथं ल्य:गु ख: ।

ल्यं ७ पेजय

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
☎ 4335491, ✉ b_arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

Trendiest Fashion
At Price You Love

ufo

THE COLOURING BOARD





नमूना बुद्ध विहारया भन्ते सारद स्थविर स्वलायक वर्षावास च्वना: पूर्वका बिज्या:गु लसतायु न्हापांखुसिइ कथिन चीवर दान ज्याइवः यै महानगरपालिका १९ वडाय् च्वंगु चिभा:ख्यलय् कार्तिक १४ गते विहिवा:या दिनस तःजिक क्वचाल। भन्तेपिनिगु जीवनय् थुकथं वर्षावास च्वना बिज्यायमा:गु परम्परा दयावयाच्वंगु दुसा थुकथं कथिन चीवर दान भिक्षु महासंघयात दान यायगु याना वयाच्वंगु दु।

कथिन चीवर दान ज्याइवः न्ययः जूगु च्याली यै ८ नं क्षेत्रया प्रतिनिधिसभाया सांसद जीवनराम श्रेष्ठ, ३ नं क्षेत्रया प्रदेशसभाया सांसद राजेश शाक्य, यै महानगरपालिकाया प्रमुख विद्यासुन्दर शाक्य, उप-प्रमुख हरिप्रभा खड्गी श्रेष्ठ, यै महानगरपालिका वडा ल्या १९या वडाध्यक्ष शशीलाल श्रेष्ठ, नेपाली कांग्रेसया युवा नेता राजुराज जोशी, १९ वडाया वडासदस्यपि चन्द्रमान डंगोल, मधुसुदन प्रधान, रेणु शाहीलसैया हनेबहःपि व्यक्तिवपिनिगु उपस्थिति दुगु खः। थुगु कथिन चीवर दान ज्याइवलय् ज्ञानमाला भजन खलः स्वयम्भू, नमूना बुद्ध विहारया ज्ञानमाला भजन, व परिससिहिको ज्ञानमाला भजनपाखें भजन हालेगु ज्या नं जूगु खः।

ज्याइवलय् नागांजुन नगरपालिकाया प्रमुख मोहन बस्नेत, यै महानगरपालिकाया उप-प्रमुख हरिप्रभा खड्गी श्रेष्ठ, वडाध्यक्षपि शशीलाल श्रेष्ठ, राजेन्द्र मानन्धर, मचाराजा महर्जन, चिनीकाजी महर्जन गोपालकृष्ण महर्जन, हनुमानध्वाखा दरवार संरक्षण कार्यक्रमया चिनी बज्राचार्य, हनुमानध्वाखाया सार्दुल गुल्मया सवनकुमार प्रजापतिपिन्त म्बसा: खलःपाखें खादागा न्यय्का हंगु खः। थुगु ज्याइवलय् भिक्षुपिनिगु कौडण्य, धर्ममूर्ति, शान्त सिद्धार्थ, सोभित, समित, राहुलसैया आपालं भिक्षुपिनिगु उपस्थिति दुगु खः।

अथे हे, थःगु थामं मा:मा:कथंया तिवः वियादीपिन्त नमूना बुद्ध विहारय् स्वलायक वर्षावास च्वना बिज्या:म्ह भिक्षु सारद स्थवीरपाखें सुभाय् बिया बिज्या:गु खःसा ज्याइवःयात क्वातुक ता:लाकेत आर्थिक ग्वाहालि समाजसे वी गोपालकृष्ण महर्जनं यानादीगु खः।

१७ वडाया भिन्तुना कालबिल ज्याइवः



नहूँया लसताय यैँ महानगरपालिका १७ वडापाखे भिन्तुना कालबिल ज्याइवः जुल। यैँ महानगरपालिका १७ वडाया वडाध्यक्ष नविन मानन्धर नेपाल सम्बत् १७७७ नेपाःया मौलिक सम्बत् जूगु धयादिसें शुक्रिया संरक्षण भीसं यायमाःगु लिसें व्यवहार्य छ्यलानुलाय हयमाःगु नं धयादिल। उगु ज्याइवल्य १७ वडाया थीथी खलः पुचःया ब्वति दुगु खः।

नारायण परिवार क्लबपाखे भिन्तुना कालबिल



यैँ महानगरपालिका १२ वडाया च्वंगु नारायण परिवार क्लबपाखे नहूँया लसताय भिन्तुना कालबिल ज्याइवः जुल। ज्याइवल्य मूपाहाँकथं यैँ महानगरपालिकाया प्रमुख विद्यासुन्दर शाक्य व विशेष पाहाँकथं उप-प्रमुख हरिप्रभा खड्गी श्रेष्ठ भायादीगु खः। मूपाहाँ प्रमुख शाक्य नेपाल सम्बत् ११४०या लसताय भिन्तुना देछानादिसें थः महानगरया प्रमुख मज्जु इलयं नं थुगु सम्बत्यात राष्ट्र मान्यता बीकेगुली पुगु ग्वाहालि यानागु धयादिल। वय् कल थौकन्ह्य सम्पदाप्रेमी धकाः थःगु ज्याय यक्व पंगः थनेगु ज्या जूगु धयादिसें महानगर लानिपुखू दयकेगु इलयं ढलान यानागु इलयं पंगः थंगु धयादिल। तर थौकन्ह्य उगु हे थासय ढलान यानाः दयकलं नं अन मपंगु प्रमुख शाक्यया धापू दु। ज्याइवल्य पुलांम्ह स्वास्थ्य राज्यमन्त्री तीर्थराम डंगोल, यैँ महानगरपालिकाया १२ वडाया वडाध्यक्ष विकास डंगोलीपिं नं पाहाँकथं भायादीगु खः।

भिन्तुना कालबिल ज्याइवः

उपत्यका सतक बिस्तार पीडित संघर्ष समिति



स्वन्तिलिसें नेपाल सम्बत् ११४०या लसताय भिन्तुना कालबिल ज्याइवः यात। ज्याइवल्य संघर्ष समितिया नायः सुमन सायमि, संघर्ष समितिया सल्लाहकार अधिवक्ता शंकर लिम्बु, प्रा.डा. कृष्ण भट्टचनपिंसं नहूँ ११४०, स्वन्तिलिसें छठ पर्वया लसताय भिन्तुना देछानादीगु खः।

जातीय समाजपाखे भिन्तुना



नेवाः समाजय दुथ्याःगु भिंखुगु जातीय समाजपाखे भिन्तुना कालबिल ज्याइवः याःगु दु। यैँया बसन्तपुरय जूगु ज्याइवल्य यैँ महानगरपालिकाया प्रमुख विद्यासुन्दर शाक्य, उप-प्रमुख हरिप्रभा खड्गी श्रेष्ठ, बरिष्ठ प्रहरी उपरीक्षक उमेश जोशी, १८ वडाया वडाध्यक्ष न्हुळेकाजी डंगोलपिनिगु उपस्थिति दुगु खः। जातीय समाजया निर्मित मनोज नेवाः खड्गी संयोजन यानादीगु भिंखुगु जातीय समाजय नेपाल खड्गी सेवा समिति, स्यस्यः समाज, बज्राचार्य समन्वय परिषद, द्यःला समाज संघ, रजक समुदाय बिकास संघ, ज्यापु महागुथि नेपाः, चित्रकार (पुं) समाज, नेपाल तण्डुकार समाज, पुतुवार बिकास समाज, राजोपाध्याय समाज, केन्द्रीय मानन्धर संघ, कपालि समाज, कसाः तःधं गुथि, नापित भीगु गुथि समाज, नेपाल माली समाज दुथ्यानाच्वंगु दु।

सकवय नहूँया लसताय भिन्तुना कालबिल



सकवय नहूँया लसताय भिन्तुना कालबिल ज्याइवः याःगु दु। नेपाल सम्बत् ११३९ कौलागा त्रयोदसि सञ्चरवाः कुन्हु ने.सं.११४०या नहूँया समारोह समितिया नायः लक्ष्मीश्वरी श्रेष्ठया सभाध्यक्षताय ज्याइवः न्ह्याःगु खः। थुगु तुच्चा ज्याइवःस शंखरापुर नगरपालिकाया प्रमुख सुवर्ण श्रेष्ठ, उप-प्रमुख शुक्रलक्ष्मी श्रेष्ठ व आपालं सकवमिपिनिगु उपस्थिति दुगु खः।

नेपाल सम्बत् ११४० नहूँया लसताय सकवय नेपाल कम्युनिष्ट पार्टी (नेकपा)या ग्वसालय भिन्तुना कालबिल नाप तुच्चा ज्याइवः जुल। उगु ज्याइवल्य मूपाहाँकथं नेकपाया नेतालिसें पुलांम्ह प्रधानमन्त्री माधवकुमार नेपाल भायादीगु खःसा प्रदेश नं. ३ सांसद मणिराम फुयाल, शंखरापुर नगरपालिकाया प्रमुख सुवर्ण श्रेष्ठ, उपप्रमुख शुक्रलक्ष्मी श्रेष्ठ पाहाँकथं भायादीगु खः।

सेभ नेवाः भ्यालीया भिन्तुना कालबिल ज्याइवः



स्वन्ति नखः व नहूँ ११४०या लसताय सेभ नेवाः भ्यालीया ग्वसालय लंग त्वालय भिन्तुना कालबिल नापं तुच्चा ज्याइवः जूगु दु। उगु ज्याइवल्य मूपाहाँकथं यैँ महानगरपालिकाया प्रमुख विद्यासुन्दर शाक्य, लंग त्वाःया बौद्ध विद्वान हर्षमुनि शाक्ययात दोसल्लां न्ययकाः हनेज्या नं याःगु खः। ज्याइवल्य बौद्ध विद्वान प्रा.डा. बज्रराज शाक्य स्वन्ति नखःया महत्वयात कयाः नुगःखँ तयादीगु खः। भाषासेवी, साहित्यकार एवं समाजसेवी हितकरवीरसिंह कंसाकार पाहाँकथं भायादीगु उगु ज्याइवः सेभ नेवाः भ्यालीया नायः शैलेश शाक्य लंगबरेया सभाध्यक्षताय जूगु खः।

सकवय नहूँया समारोह समितिया तुच्चा ज्याइवः



सकवय नहूँया समारोह समितिका ग्वसालय तुच्चा ज्याइवः याःगु दु। नेपाल सम्बत् ११३९ कौलागा त्रयोदसि सञ्चरवाः कुन्हु ने.सं.११४०या नहूँया समारोह समितिया नायः लक्ष्मीश्वरी श्रेष्ठया सभाध्यक्षताय ज्याइवः न्ह्याःगु खः। थुगु तुच्चा ज्याइवःस शंखरापुर नगरपालिकाया प्रमुख सुवर्ण श्रेष्ठ, उप-प्रमुख शुक्रलक्ष्मी श्रेष्ठ व आपालं सकवमिपिनिगु उपस्थिति दुगु खः।

नहूँया लसताय सुकुन्दा ज्यलि

यैँया तयःरत्वाः मिसा पुचः व नेपाः तजिलजिया

मंकाः ग्वसालय कौलागा त्रयोदसि (कार्तिक ९ गते)



सञ्चरवाः सनिलय सुकुन्दा ज्यलि जुल। नेपाःया मौलिक सम्बत् नेपाल सम्बत् ११४० क्यंगु नहूँया लसताय सुकुन्दा ज्यलि जूगु खः। उगु सुकुन्दा ज्यलि यैँया प्रतिनिधिसभाया सांसद जीवनराम श्रेष्ठ मूपाहाँकथं भायादीगु खःसा विशेष पाहाँकथं नेपाल सम्बत् नहूँया राष्ट्रिय समारोह समिति ११४०या नायः रमेश महर्जन भायादीगु खः। सनिलय इनबहाः ज्याथाय मुनाः न्ह्याःगु उगु सुकुन्दा ज्यलि यैँया थीथी लागा चाःहिलाः क्वचाय्कूगु खः।

जगत सुन्दरया बुदिं हन

प्रिन्सिपल मानन्धर बियादीगु जानकारी कथं उगु भिन्तुना ज्यलिइ यैँ महानगरपालिकाया मेयर विद्यासुन्दर शाक्य मूपाहाँ कथं भायाः वय्कलं हे ज्यालीया उलेज्या याइगु जूगु दु। 'गुगु जातिया गुगु भाषा जुयाच्वन, उगु हे भासं ज्ञान ब्युसा याउँक थुइका काइ' धैगु राणाकालय सः थ्वयेकूह नेपालभाषाया प्यंगःथामध्ये छम्ह शिक्षा प्रचारक व समाज सुधारक माष्टर जगतसुन्दर मल्लया १३६ क्वःगु बुदिं हनाः ज्याइवः नापं नेपाःया राष्ट्रिय विभूति लिसें नेपाल संवतया प्रवर्तक शंखधर साख्वाः नं



पलिस्था यानाथकूगु नेपाल संवत ११४० नहूँया लसताय भिन्तुना ज्यालीया ग्वसाः ग्वयागु जानकारी प्रिन्सिपल सुनिता मानन्धर बियादीगु दुसा वय्कलं उगु भिन्तुना ज्यालीइ थीथी छयःया व्यक्तित्व, समाजसेवी लिसेलिसें ब्वनेकुथिया सलंसः विद्याधीपिंसं ब्वति काइगु जानकारी बियादिसें सकलसित उगु भिन्तुना ज्याली सहभागिताया निर्मित इनाप यानादीगु दु।

नहूँया लसताय सकवय नसंचा उलेज्या जुल

सकवया महाध्वाखां न्ह्याःगु भिन्तुना ज्यलि सकव देय् चाःहिलाः साःखा त्वालय थ्यकाः ज्याइवः क्वचाय्कूगु खःसा सकव जेसिस व रोटी क्लब अफ सकवया ग्वसालय तुच्चा ज्याइवः याःगु खः। अथे हे, १ः०० ताः ईनिसें सकव जेसिस व सकव रोटी क्लब अफ सकवया हे ग्वसालय मोटरसाइकल ज्यलि याःगु खः। थुगु मोटरसाइकल ज्यलि सकवया साःखा त्वाले न्ह्यानाः सकव तिनाख्यः, पालुबारी, सलंबुता, ईन्द्रायणी व चुगां जुयाः सकवय थ्यकाः तुच्चा ज्याइवः यानाः क्वचाय्कूगु खः।

राम प्रजापति
प्रोप्राइटर

हार्ती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं।
फोन नं. : ४२७२९९९, मो. ९८०३९८०६९९

यहाँः-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

सकसियां भिं जुइमाः, सकसियां जय जुइमा
सकसियां भिंउसाँय, ताःआयु व सुख शान्तिया कामना
नेपाल संवत् ११४० या लसताय

नहूँया भिन्तुना

उत्तम महर्जन, प्रोप्राइटर
उत्तम फर्निचर
ढल्को, यैँ। फोन : ४२६९२४२

मंका: दबू छँया जग स्वन



मोति सिरपा: ल: लहात

नेपाल सम्बत् ११४० न्हूदँया लसताय नेपालभाषा मंका: खल:, यल व समाजसेवी व उद्योगपति मोतिलाल शिल्पकारया मंका: ज्याइव:स जुगु न्हूदँ समारोहस मूपाहाँलिसें प्रतिनिधिसभाया सांसद पम्फा भुसालया लहात न्हूदँ सिरपा: ल:लहा:गु ख:सा दाता मोतिलाल शिल्पकारपाखें मोति सिरपा:कथं दां ल:लहानादीगु ख:। यल मंग:या काति दबुली जुगु उगु सभाया सभानाय: बौद्ध विहार संघ, यलया नाय: नानीकाजी शाक्य जुयादीगु ख:।

नेपालभाषा मंका: खल:या मंका: दबू छँ दनेगु निति जग स्वनेज्या जुल।

मंका: खल:या थ:गु हे जग्गा विजेश्वरी बज्र होटेलया ल्युने मंका: दबू छँया जग यँ महानगरपालिकाया प्रमुख विद्यासुन्दर शाक्य स्वनादीगु ख:। उगु ज्याइवल्य उप-प्रमुख हरिप्रभा खड्गी श्रेष्ठ, मंका खल:या नाय: दुर्गालाल श्रेष्ठ व पद्मरत्न तुलाधरया जहान नीलशोभा तुलाधरपाखें बज्रयानी विधिकथं मंका:कथं जग नीस्वेगु ज्या जुगु ख:।

जग स्वनेज्याइव:या इवल्य मूपाहाँ प्रमुख विद्यासुन्दर शाक्य, मंका: खल:या न्वकू मल्ल के सुन्दर, प्रतिनिधिसभाया सांसद जीवनराम श्रेष्ठ, नेपाल संवत् राष्ट्रिय न्हूदँ समारोह समितिया नाय: रमेश महर्जन, नेवा: देय् दबुया मूख्याञ्जे माइला बाबु छ:ला,



यँ महानगरपालिका १५ वडाया वडाध्यक्ष ईश्वरमान डंगोलपिन्स थ:थ:गु नुग:खँ तयादीगु ख:। मंका: खल:या नाय: जनकवि दुर्गालाल श्रेष्ठया सभाध्यक्षताय जुगु उगु ज्याइवल्य छु याञ्जे राजा शाक्य लसकुस न्वचु बियादीगु ख:सा सुभाय् न्वचु दांभरि गणेश सार्युमिं बियादिल। मंका: दबू छँ दनेगु निति अष्टरत्न बज्राचार्य बज्रयानी विधिकथं पुजाआजा

याना बिज्या:गु ख:सा जजमान प्रतापमान शाक्य जुयादीगु ख:। ज्याइवल्य आपालं नेपालभाषासेवीपिनिगु उपस्थिति दुगु ख:।

मंका: दबू छँ दनेगु निति कविकेशरी चित्तधर हृदयपाखें १० आना जग्गा दान बियादीगु ख:सा मेगु जग्गा व्यक्:याके हे मंका: खलकं दँयदसं त्य:छिंय: फवना: व:गु दामं न्यानका:गु ख:।

M.R. Tailoring Center

Sart Specialist

विश्वविद्यालय अखेटिवा
सेवी सर्टिफाईड एन्ड प्रोफेशनल-२०१८ का
अवकाश ५००० वर्ग जग्गा

सर्वेभूत सर्टिफाईड कलोनियल डिजाइन
कलोनियल सर्टिफाईड काठमाडौं
फोन : ०१-४३३४०००(दुईला), ४३३४००१ (तीन)

जस्टेस सुटिङ कलाने सँग जुक्वाल सर्टिफाईड युव तथा
जुव महिलाईके सँग सर्टिफाईड सल्लाहगुनाय ।

KATHMANDU ORNAMENTS

New Baneshwar, Kathmandu, Nepal
Tel: 4476777, 4498996, Fax: 4476999
Email: info@kathmanduornaments.com
baneshwar@nimal.com
Web: www.kathmanduornaments.com

सेमिनार वा कार्यक्रमया निति लञ्च बक्सया डोर टु डोर सर्भिस याय्गु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।

Delicious Sweets

विगदब
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323

छत्रपाटी निःशुल्क चिकित्सालय
२०१३

उपलब्ध सेवा

२४ सै घण्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वास: पस:
- अन्तरांग सेवा

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

शल्यक्रिया

- मोतिबिन्दु
- जनरल सर्जरी
- न्हायपं, न्हाय, जाप:
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्वा:या लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- ड्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९१, ४२६६२२९, E-mail: cfclinic@mail.com.np, www.free-clinic.org.np

प्रकाशक : नृपेन्द्रलाल श्रेष्ठ (९८५१०९८०९५) • सम्पादक : जुजुमान महर्जन • व्यवस्थापक : सुरेन्द्रभक्त श्रेष्ठ (९८५१०९९४७२), भोर्छे, यँ। email: lahanaweekly@gmail.com • मुद्रक : स्वेतकाली छापाखाना, यँ।